



## Indgået

21 AUG. 2018

Inatsisartuni ilaasortaq, Sofia Geisler, Inuit Ataqaatigiit

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
Box 1060 - 3900 Nuuk

### Oquk pillugu § 37 naapertorlugu apeqquteqaammut 2018-191-imut akissut

20-08-2018  
Sags nr.: 2018 - 16132  
Dok. nr. 32469620

Asasara Sofia Geisler

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

#### **Apeqqut 1: Namminersorlutik Oqartussat inissiaataannut A/S INI-mit aqunneqartunut nuuttut nuuffigisaminnut nuunnginneranni inissaanni oquk siusinnerusukkut /qanittukkut ajornartorsiutaasimappat tamanna pillugu ilisimatitsinissaminut A/S INI pisussaaffeqarpa?**

Akissut: Inatsimmi attartortitsisunut namminersortunut pisortanulluunniit pisussaaffimmik taamaattumik allassimasoqanngilaq.

#### **Apeqqut 1 a: Akissut naamiuppat Namminersorlutik Oqartussat inissiaataanni A/S INI-mit aqunneqartuni nuuffigisap siusinnerusukkut / qanittukkut oqummik ajornartorsiuteqarfiusimanera pillugu inissiamut nuuttut ilisimatinneqarnissaannik A/S INI pisussaaffeqarsimanngippat tamanna sumik tunngaveqarpa?**

Akissut: Apeqqut 1-imut akissut takuuk.

#### **Apeqqut 2: Inimi nuuffigisami oquk sulii ajornartorsiutaasimappat; nuuttoq inissiamut allamut nuunnissamut qanoq imaqartunik pisinnaatitaaffeqarpa?**

Akissut: Tamanna pillugu INI ilisimatitsivoq, tunngaviummik oqummik ajornartorsiuteqarneq paasineqarpat iluarsiviginiarneqartartoq. Aamma INI ilisimatitsivoq, ajornartorsiutip annertussusia apeqqutaalluni tulleriarisoqartartoq.

Inissiaq najorneqarsinnaanngippat inissiamik taartissamik imaluunniit utaqqiisaagallartumik inissiamik innersuussisoqartarpoq. Tamatumani pisut ataasiakkaarlugit naliliisarneq malinneqartarpoq.

Aamma INI ilisimatitsivoq, attartortup oquk ajoqutigalugu misigisimappat, kisiannili oqummik nassaartoqarsinnaanngippat, attartortoq inissiamik paarlaaqatissarsiornissaanut imaluunniit allamut nuunnissamut kissaateqarnissaanut innersuunneqartartoq.

#### **Apeqqut 3: Ini nuuffigisaq oqummik ajornartorsiuteqartoq nalunaarutigineqareeraangat piffissaq qanoq siviutigisoq qaangiuppat ineqartoq inimik allamik tunineqartarpa?**

Akissut: Apeqquut 2-mut akissut takuuk. Tamatuma saniatigut INI ilisimatitsivoq, iluarsaassinissamut aningaasartuutit inissiamik nutaaminngarnit akisunerussasut paasinarsissappata taava nutaamut nuuttoqarnissaa piaarnerpaamik innersuussutigineqartartoq, tamatumani illoqarfimmi najukkami periarfissat apeqquutaasarpud. Tamatumani attartortitsisarneq pillugu Inatsisartut peqqussutaanni § 5 tunngavigineqartarpoq.

**Apeqquut 4: Namminersorlutik Oqartussat inissiaataat qassit oqummik eqqorneqartut tassanilu najugaqartunit qimanneqartariaqartut nalunaarsukkat ullumikkut qassiuppat?**

Akissut: INI ilisimatitsivoq, maannarpiaq attartortut 14-it inissiamik taartissamik tunineqarnissamut utaqqisut.

**Apeqquut 5: Inimi nuuffigineqartumi oqoqarnera pissutigalugu, taamaattoqarneralu A/S INI-miit ilisimaneqareerluni, najugaqartoq peqqissutsimigut innarlerneqarpat tamanna pillugu A/S INI taarsiisussanngortitaasinnaava?**

Akissut: Tamatumani pisut aalajangersimasut tunngavigalugit naliliisoqartussaavoq, taamaattumillu INI taarsiisussaataaassanersoq aalajangiunneqarsinnaanngilaq. INI tassunga tunngatillugu ilisimatitsivoq, ajornartorsiutit paasineqartut najugaqarfiup aningaasaatai atorlugit imaluunniit inissiamik piginnittumut aningaasanik qinnuteqareernikkut iluarsaanneqartartut.

**Apeqquut 6: Inimi nuuffigineqartumi oqoqarnera pissutigalugu, tamaattoqarneralu A/S INI-miit ilisimaneqareerluni, najugaqartup pisatai oqummik innarlerneqarpat tamanna A/S INI-mut taarsigassanngortinneqarsinnaava?**

Akissut: INI ilisimatitsivoq, tunngaviumik attartortup nammineerluni pequtinut sillimasiissutai tamatumunnga matussutigineqartussaasut,- aatsaallu INI akisussaassuseqanngitsumik iliorsimassappat, tamatumalu kingunerisaanik innarlertoqarsimappat aatsaat INI-mit akilerneqarsinnaappud.

**Apeqquut 7: Inissiaq oqummik eqqorneqarsimasoq najugaqarfigineqarqissinnaasutut naliliiffigineqarsimatillugu: Nalilersuineq innersuussinerlu A/S INI-p sulisuinit namminermit suliarineqartarpa imaluunniit suliffeqarfimmit A/S INI-mut attuumassuteqanngitsumit nalilersuineq innersuussinerlu suliarineqartarpa?**

Akissut: INI tassunga tunngatillugu ilisimatitsivoq, tamatumunnga najukkami pissutsit apeqquutaasartut. Illoqarfinni avataaniit immikkut ilisimasalinnik peqartoqartillugu avataanersunik ikiorteqartoqartarpoq. Illoqarfiit ilaanni, pingaartumillu minnerni, INI-p nammineerluni sulisui naliliisarput. Nalornisoqartillugu misissugassatut tigusat avataanit sullissisunut nassiunneqarsinnaappud. Tamatuma saniatigut INI ilisimatitsivoq, INI-p sulisui attuumassutillit oquk pillugu sulianik isumaginnissinnaasunngorlugit ilinniartinneqarnissaat INI-miit isumagineqartartoq.

Inussiarnersumik inuulluaqqusillunga

  
Simon Simonsen